

corpore tunc pertractare, ac pariter in eodem quæ ad interiora spectabāt ad amissim absolue-  
rem, ante sectionem partium ostensionem earum fabricam ad eum modum semper docens, quo  
illam his libris commemorare admissum sum. Quo autē modo quis hæc omnia obiturus sit, partim  
in primo & secundo recensui, partim uero hoc capite & in calce subsequentium librorum com-  
plectar. In primo enim libro ossium parandorum rationem, in secundo autem musculorum disse-  
candi in uno corpore methodum persequer. At hic me negotio ita accingam, ut etiam hæc  
omnia in uno tantū cadauere, si modo in corporum penuria id opus esset, administrare queas:  
ac rursus, si uelis, priuatim singula in uarijs cadaueribus perficias: quod longē etiā est cōsultissi-  
mum, ne eorundem organorum partium uel series inturbetur, ac uenas quā musculi ostendun-  
tur, aut quum nervos tractas, musculos explicare tenearis. Corpus itaq; publicæ sectioni adhi-  
beri conuenit, in suo sexu quā temperatissimum, & ætatis mediæ, ut ad hoc tanquam ad Po-  
liceti statuam alia corpora possis cōferre. In priuatis autem sectionibus, quæ crebrius accidunt,  
utile erit quoduis aggredi, ut cuiusmodi id quoque sit expendas, corporumq; differentiam, ue-  
ramq; multorum morborū naturam assequaris. Theatrum porro ac mensam cui cadauer im-  
ponetur, ea ratione confici curabis, qua hanc tibi commodiorem, illud uero excipiendis specia-  
toribus aptius fore duxeris. Instrumēta autē operi adhibenda, in secundo libro utcumq; recen-  
sui. Quum itaq; in uno corpore omnia absolue- necesse est, neq; seriatim, ut in his libris do-  
cemus, singula pertractare licet, de corporis humani fabricæ cognitionis dignitate & usu quæ-  
dam, si uisum fuerit, leuiter præsentī sceletō præfaberis. uix enim hodie ulla est Academia, quæ  
non unum atq; alterū habeat, quod sectioni semper utilissimē adhibeatur. Cadauer autē ipsum  
postquam hominem à cæteris animantibus distinxeris, in caput, corporis truncum, manus &  
crura, oratione diuides, aut tres ipsius sedes uel uirtutes constitues, quæ singulæ singulis secun-  
dum Platonis præcipuē sententiā dicantur animis, atque his sedibus & generationis organis  
postmodum manus cruraq; adiunguntur. Mox licebit accuratius corpus distinguere, & exte-  
riorum partium nomenclaturam studiose recēdere, quam ex uarijs Galeni & Aristotelis locis,  
deinde collectam ab autore Introductorij seu Medici, & Iulio Polluce, & cū alijs pleriq; Geo-  
gio Valla petes: quamquam & ego passim in primo libro Ossium nomina perstringens, earum  
uocum non penitendam suppellectilem collegerim. nomina enim superficialijs sedibus indita,  
etiā ossibus serē adhibentur. Vnde etiā aliquando in cadaueris cute ossium delineationē in sua  
sede pinxi, quō ita aptius idem nomen ossi partiūq; quam os occupat accommodatum ostenderē.  
His nomenclaturis adnectes partiū differentia, eas in similes ac in strumētarias subdividentē,  
atq; hic utile fuerit commemorare, quæ nam partes in harum illarum uel classē reponantur, nō  
neglecta cōmuni cuiusq; partis descriptione: quam & hic nos labor affatim suggeret, si mo-  
do singulas descriptiones in suis locis requirere nō grauaberis. Partium namq; enarrationes ab  
ipsarum descriptione serē auspicatus sum, uti etiā inter dissecandū cōsueui, quū seriatim omnia  
aggredior, & quam doceo partē in alio animali nudā ostendere conor: quod etiā nunc accepto  
cane, aut agno, aut alio quouis paratu facili nō absq; spectantium usu præstiteris: si modo quid  
os, cartilago, fibræ, ligamentū, adeps, caro, glādosum corpus, deinde quid musculus, enervatio  
seu tēdo, aliq; musculi partes, uena, arteria, & nervus sint, lubeat docere, ac mox quo pacto ma-  
gis instrumētarię partes cōficiantur ostēdere. hæc enim nō inopportune generatim, uti dicebā,  
in animali quopiā (ne hominis corpus hac occasione uicies) cōmonstratur, quō minus earum  
partiū ignorātia in cuiusq; membri instrumētis enarratione spectatōrē remoretur, & ipsenar-  
rationis seriē cogaris interrūpe. Porro differētijs, quæ inter enarrandū à partiū usu, ut quod  
quædā ad uitā, aliæ ad speciei successiōē, aliæ ad bene uiuendū faciant, aliæq; eius generis diffe-  
rentiæ, quæ huc quā plurimæ referri possunt, in præsentia ne utiq; propositū est recensere,  
quod huiusmodi passim in singularū partiū capitibus satis prolixē doceā, quodq; hic sectionis  
rationē mihi explicandā potius q̃ illū in cathedra citra partiū cognitionē, ac ex aliorū libris  
duntaxat philosophandi modum cōmemorandū assumpserim. Illā itaq; aggressus, studiōrū  
fodilibus potius quā ministris, qui secantē adiuuent, adhibitis, acutiōri nouacula orbicularē  
sectionē secundū umbilicū adeo profundā dūces, ut cutem penetret, dein à mediā pectoris ossis  
longitudine rectā sectionē ad umbilicū usq; molieris, & ab infima umbilici sede perges ad pu-  
bis usq; mediū uirilīs membri (si modo uiri cadauer ad manū sit) radicem cōtingēs: aut, si mulie-  
ris corpus secas, quousq; pubis ossis sedē inter uulvæ ceruicis colliculos superaueris, ut scilicet  
à pectore ad pubē usq; una quasi sectio (integro interim umbilico) pertingat. Post hæc, utriusq;  
ab umbilici latere sectionē transuersim ad lūbos usq; dūces, id interim studēs, ut solā cutē pertun-  
das, quod in homine, et potissimum obeso, factū non adeo est arduū, quum adipis crassities,  
ne carnosa uicies membranā, promptē remoretur. Factis hunc in modū sectionibus, cutis an-  
gulum

Cuiusmodi  
corpus sectio-  
ni adhiberi cō-  
ueniat.

Quum in uno  
corpore om-  
nes partes  
sunt ostendē-  
dæ, a quibus  
tractatio sit  
inchoanda.

Cutis, cuticu-  
la, adipis, &  
carnose mem-  
brana in abdo-  
mine admini-  
stratio.

gulum, qui ex quatuor rectis angulis umbilicum spectantibus superior dexterq; est, hamulo,  
aut summis sinistræ manus ungulibus attollito, acutissimaq; nouacula cutem ab adipē secerne-  
re studero. Vbi cutis portiunculam liberaueris, hac sinistra manu eleuata, reiectoq; hamulo,  
paulatim cutem ad mamillas usque uersus dorsum transuersis sectionibus proximē ad cutem  
factis, ab adipē diuides. Hac abdominis thoracisq; parte à cute nudata, reliquæ tres pari mo-  
do sunt detegendæ, ac cutis & cuticula (quā *ἀνδρῶν* Græci uocāt) natura uenit inquiren-  
da, quæ in cute quidem absque alio negotio sese offert: cuticulæ uero non nisi illam ardentis  
candelæ, quam cuti adhibeas, uel uesiculæ modo à cute abscedere cogas. Cum cute deinceps &  
uenis sub ipsa secundum abdominis regionem, & ab imò sursum & à pectore deorsum excu-  
rentibus adipē quoque examinata, si hac homo (uti ferē solent omnes diuturniori morbo non  
enecati) abundet, illam quemadmodum iam cutem ab adipē liberaſti, à carnosa membrana  
seuinges. quod sanē nisi acutissima nouacula nunquam aptē confeceris. Si uero macilentius  
obtigerit corpus, adipem carnosa membranæ adherere fines. adeps enim tunc quod nullam  
obtineat crassitiem, quo minus carnosioris membranæ natura in cōspectum ueniat, nihil impe-  
dit. Vt unquē feceris, siue adipem abraſeris, siue adnatam membranā reliqueris, ipsam per  
membranam ductis sectionibus, quas à pectore ad pubis os, & ab umbilico ad illa in cute fa-  
ciendas retuli, harum quoque sectionum anguli hamulo sunt seriatim eleuandi, & ipsa mem-  
brana reuolui si lubeat nouacula, aut digitorum beneficio à subditis corporibus separanda,  
ut iam simul cum magna thoracis parte uniuersum abdomen cute adipē & carnosiori mem-  
brana detectum occurrat. Ad hunc sanē modum administrationem in scholis subinde sum ag-  
gressus: quamquam si quis uelit, integrum etiam sit in una tantum abdominis parte cutem, adi-  
pem, & carnosa membranā examinare, & à reliqua abdominis sede cutem simul cum adi-  
pe & membrana absque ullo artificio laniorum ritu auellere. Verum de harum partium natu-  
ra, adeoq; administratione, in secundo libro egi prolixius, in eodemq; libro rationem qua opti-  
mē<sup>a</sup> abdominis musculos, qui utrinque quatuor sunt, aggrediaris, & peritonæum nudes, do-  
cui: dum duplici ratione abdominis musculos dicerem refecandos, in uno quidem latere se-  
ctione ab abdominis medio uersus musculorum origines inchoata, in qua primum abdominis  
musculus oblique descendens, ab ascendēte oblique aufertur, mox is à recto & transuersim du-  
cto abdominis musculo, dein rectus à transuerso, recti interim insertionē à costarū cartilagi-  
nibus liberata. Alteram sectionē à lateribus ad abdominis medium faciendā præcepi, quæ  
etiam oblique descendente ab oblique ascendente aufert, & dein hunc ascendente à transuer-  
so ac recto, & rectum insuper à transuerso, & postremò transuersum à peritonæo liberat, se-  
ctionis uidelicet seriē ad abdominis medium deducta. Ac proinde si seriatim singula in uno  
corpore ostendere animus est, ex secundo libro abdominis musculorum administratio peten-  
da uenit, quæ nunc prosequar præcedens. In hac etiam priuatim<sup>i</sup> uenarum & arteriarum  
& neruorum series est examinanda. uenarum quidem ac arteriarum, quæ à pubis regione sur-  
sum secundum rectorum musculorum posteriorem regionem uersus umbilici sedem contin-  
gunt, & eas quæ à pectore huc quoque contendunt, & in proximās sedes quemadmodum  
illæ furculos utrobique deriuant: neruorū autem ab illis productorū, qui costarū spuriarum  
interuallis offeruntur, & à lumborum uertebis ad abdominis musculos (ut suo loco com-  
prehensum est) uariē dispensantur. Cæterum transuersis musculis undecunque à peritonæo  
liberatis, tota ipsius propemodum exterior superficies oculis obijcitur. omni enim ex parte  
euadit conspicua, præterquam quæ<sup>a</sup> septo transuerso obnascitur, & quæ ex uertebis & osse  
sacro originem ducit. Cæterum hominis peritonæum natura infirmius est, quā ut leui ne-  
gocio id undecunque à septo dirimi queat: quamuis interim solius manus beneficio perito-  
næum dum adhuc integrum est, ad spinam usque à subditis illi musculis, & nonnihil quoque  
à carnosa septi sede liberetur, & sphaeram planē oblongam referat. Porro si minori negotio  
peritonæum penitus à septo auellere uisum sit, id in porcellis præstiteris commodissimē, si  
postquam (ut in homine) à peritonæo transuersum abdominis musculum sciunxeris, id à car-  
nosa septi parte tuis digitis, cultri uice sensim separare studeas. ita nanque à neruosa septi  
transuersi parte peritonæum abscedet: & si deinde in opere perrexeris, ab uniuerso uentriculi  
corpore ad omenti<sup>m</sup> usque membranas, deinde & à iecoris gibbo peritonæum auelles, di-  
scēsq; quo nam pacto id illis organis tunicas inuolucraq; offerat. Postquam diligenter perito-  
næum exterius cum suis foraminibus, uenis, arterijs, neruisq; perpenderis, nouacula aut cul-  
tello à sinistro mucronatæ cartilaginis latere deorsum ad sinistram usque umbilici sedem se-  
ctio in peritonæo ducenda est, mente adhibita, ne aliū cultello impactio quicquam subditi-  
um uulneres. Hinc ab umbilico eandem sectionem modicē sinistrorsum inclinātem ad pu-  
bis

si ca. 6. li.  
si ca. 6. li.  
si ca. 6. li.

a Bonnia  
et Pansy  
sunt parat  
mus, quæ  
ex dimidia  
parte, in  
ui libri  
frontis pro-  
ponit  
a fig. cap. 7  
lib. 2.

d. 3. mus. 14.  
e. 4. 14. 5.  
14. 2. 6. 14.  
a.  
e. ut in  
figura.

si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.  
si ca. 6. li.

in quemad-  
modum in 17  
si. h. 1. 1. 1.  
nullum est.

Venarum per  
abdominis re-  
gionem inter  
cutem & car-  
nosam membra-  
nam excurren-  
tium.

Octo abdomi-  
nis musculorū.

Venarum, ar-  
teriarum, ner-  
uorum per ab-  
dominis muscu-  
los repentium.

Peritonæi à  
partibus ex-  
trinsecis ipsi  
commixtis libe-  
ratio.

Aperitio pe-  
ritonæi, et una  
uulnorum umbi-  
lici administratio.